

推拿抉微

上海千頃堂書局印行



千頃堂書局發行

婦兒科書

退思廬醫書四種 嚴鴻志

(一) 感證輯要四卷

(二) 女科精華三卷

(三) 女科醫案選粹四卷

(四) 女科證治約旨四卷

全書八冊定價 中紙三元 洋紙二元

女科輯要 周紀常

全書二冊定價二角五分

大生要旨 唐千頃

全書二冊定價一角六分

小兒按摩術 張振聲

全書四冊定價七角

小兒藥證直訣 錢仲陽

全書二冊定價四角

幼科指南 周慎齋

全書二冊定價四角

活幼心法 聶久吾

全書一冊定價二角五分

生育指南 張仲選

全書一冊定價二角五分

麻疳必讀 鄭卜年

全書二冊定價四角

兒科醒 芝嶼樵客

全書二冊定價五角



中華民國十九年一月初版

作者權所有

不准翻印

(全書四冊)

(定價洋八角)

編著者 河南涂蔚生

校正者 吳縣徐棣三

出版者 千頃堂書局

上海三馬路

總發行 千頃堂書局

分發行 各埠大書局

嘉義西門

代發行 台灣蘭記圖書部

市場前



推拿抉微第四集

●痢症

經云。飲食不節。起居不時。陰受之則入五臟。下為腸泄。久為腸澼。陳飛雲曰。小兒此病初起。兩眉皺而多啼。由腹痛也。煩燥不安。由裏急後重也。致至圖而不能。或赤白相兼。或單紅單白。是其候也。周夢覺曰。痢有不與食相遞。嬗而名。則因時而變易。方策所傳。其來有自。不容不據。古以漿麥素。問謂之腸澼。難經謂之裏急後重。漢謂之滯下。晉謂之秋燥。至唐方謂之痢。即其名而釋其義。便血曰澼。痛甚曰急。壅甚曰滯。皴裂曰燥。不利曰痢。痢之情形。已顯示於稱名之表。歷代以來。揚推指陳。揚推指陳大槪也。猶言不啻以暮鼓晨鐘。發人深省。治是症者。顧可孟浪從事。翻欲緘膝扁鑄而置之死地乎。當此暑炎方退。金匱初起。土間其中。熱濕燥滯於一時。三氣湊而為病。有時行者。從皮毛入。微惡寒。腹痛。泄盡宿食。方轉紅白。風之所過。行於一家。則病一家。行於一境。則病一境。有傳染者。從口鼻入。不惡寒。腹痛。隨泄宿食。即轉紅白。氣之所觸。染於一人。則病一人。染於一方。則病一方。於斯



時也。撫枕蓆而興嗟。何分男女。如廁阮而抱痛。莫測死生。天氣陰晴。諸聞
 一室。燈光明滅。呻徹五更。飲膏梁者無論已。可憐寒士當灾。朋盡回車。難
 邀甲戌之時。人皆掩鼻。徒傳庚癸之呼。聚桑梓者猶可也。最苦旅人遠道。
 今雨不來。誰恤零丁異地。聞風爭避。那管客子離鄉。儒者考古。今之得失。
 診一己之功修。於是證而參上乘焉。本來惻隱之心。自應以之。普度也。
 嘉言曰。初用辛涼以解表。次用苦寒以清裏。劉河間曰。調氣則後重自除。
 行血則膿血自除。余於痢之時。行初起者。而宗嘉言焉。疏經絡而趨邪。敗
 毒散克壯元老之敵。於痢之傳染初起者。而宗河間焉。和營衛而導滯。芍
 藥湯允占文人之吉。及其歸宿。鬱則為熱。試診其脈。未有不數者。所以香
 連丸為治痢之總方。顧在表忘用者。邪猶未入於裏也。久病難用者。恐重
 傷其生氣也。昔趙養葵以六味地黃湯治傷寒。人譏為趙氏之創見。而下
 多傷陰。余嘗以六味地黃湯治痢。此又余之創見也。如果脈虛自汗。赤白
 將盡。真人養臟湯。訶子散。俱可酌而用之。夫痢不分赤白。既出於熱。反服
 辛熱而愈者。此乃從治之法。蓋人之稟賦有寒有熱。邪熱之中人。每從其

類而化。辛熱藥能開鬱解結。使氣血得以宣通。特宜於以寒化熱之劑。若遇以熱化熱而誤用之。其禍有不可勝言矣。存心濟世者。倘遇以寒化熱之劑。用溫補而大獲其效。慎勿執以為例。人參敗毒散

人參 一錢

羌活 五分

獨活 五分

柴胡 一錢

前胡 一錢

芍 五分

枳殼 一錢

桔梗 一錢

茯苓 一錢

甘草 一錢

芍藥湯

芍藥 一錢

歸尾 一錢

黃芩 一錢

黃連 一錢

大黃 一錢

木

香 六分

檳榔 七分

肉桂 五分

炙草 一錢

香連丸

黃連 二錢

吳萸 一錢

右二味同炒。去吳萸。加木香五分。不見火。共研細末。醋糊為丸。

真人養臟湯

粟殼 一錢

訶子 一錢

肉苳蔻 一錢

木香 六分

甘草 一錢



肉桂 五分
人參 一錢
白朮 一錢
秦歸 一錢
白芍 一錢

訶子散

粟殼 一錢
訶子 一錢
乾姜 七分
陳皮 一錢

右共為細末。空心服。

桂附湯

附子 三分
肉桂 三分
乾薑 六分
焦朮 一錢
砂仁 一分

灸草 一錢

涂蔚生曰。痢雖只分紅白。與紅白相兼者三種。而寒熱虛寔之症。亦無不盡在其中。唐容川曰。腸胃之中。除却糟粕。只微有脂膏水液而已。脂膏屬血分。水液屬氣分。病氣分則水混而為白痢。病血分則血擾而為赤痢。氣血交病。則赤白相半。由何處釀成真膿。而從大便泄出哉。有之則毒聚腸胃。將腸胃脂膏血肉。蒸化為膿。或下如爛瓜。或如屋漏水。此腐腸潰胃之危候。與癰之腐爛無異。此非尋常治痢之法。所能克也。是容川已將痢之發生原由。揭示其大概矣。而治之之法。有謂宜發汗者。



有謂宜清涼者。有謂宜寒熱合治者。有謂由於夏月貪涼。過食生冷。至秋伏陰內動。應時而痢。宜溫煖者。有謂時痢宜瀉。久痢宜補者。有謂寒收澀者。有謂初痢忌用芩連者。有謂宜燥濕者。有謂宜消導者。以上之主張。既不一致。而彼此之互相攻訐。亦因以起矣。余以患痢五年。深恨大醫之難延。名醫之炎涼。時醫之誤我。於是引咎自奮。棄儒就醫。偏於痢症一門。三致意焉。迨其痢自治愈。稍有心得。始知諸家之所主張。均有至理。而亦即有所偏也。吾人如欲長於治痢。必須知諸家之有所長。與諸家之所短。而取其所長。舍其所短。互相參考。補用。聚羣衆之精華。成一己之利器。方能有中而不偏。有濟而無債也。

夫痢之所以宜發汗者。以寒邪從皮毛而入。循外之周身油膜。以入內之腸胃油膜。腸胃之氣化。既受陰凝下降。而為白痢。吾人即急當升提開發。使邪之由外而入者。仍由外而出。此葛根柴胡等藥之在所必用也。若有裏急後重。欲便不使者。而木香檳榔枳殼當歸白芍等在所必用。有寒熱風者。而防風天麻白頭翁等在所必用。此即先賢所謂逆流。

挽舟之法。以及理氣則後重自除也。

痢之所以宜清涼者。以內部之火熱。既擾傷經絡之陰血。使下降而為赤痢。則吾人之欲其熱退痢止。亦惟在清涼之一途。故知柏苓連歸芍等味。在所必用。其兼有由於外之風熱者。而天麻白頭翁。僵蠶桑寄生等。在所必用。其兼有裏急後重者。而木香檳榔枳殼厚樸等。亦在所必用。其兼有日久血虛者。而生地阿膠龜膠等味。亦在所必用。此即賢之所謂清熱解毒。以及調血則便膿自愈也。若唐容川所謂血色黑黯。脈遲手足冷者。屬虛寒。黃土湯主之。此係紅痢之變症。亦猶白痢之亦間有可少用苓連者也。

痢之所以宜寒熱合用者。以寒邪既傷六腑之氣。而火熱又傷其六臟之血。使寒熱參雜。赤白間下。則惟有寒熱合用之一途。此葛柴荆防歸芍苓連香枳薑棗之在所必用也。唐容川謂此寒熱合用。必有寒熱兼見之寔症。不得籠統言之。而混用寒熱雜方也。即如仲景烏梅丸所治之症。消渴氣上衝心。心中疼熱。飢不欲食。此熱症之實據也。食即吐。虵



下之痢不止。此即寒症之實據也。惟其有腑熱臟寒之實據。故用烏梅丸。兼寒熱治之。又如仲景生薑瀉心湯。所治之症云。心下痞硬。乾嘔。噎膈。與此火症也。脇下有水氣。腹中雷鳴。此水病也。惟其有此。在胃中。在腸間之實據。故用生薑瀉心湯治之。大便初頭硬。後半溏者。此胃中。有寒。腸中有熱也。陳修園擬用理中湯加大黃。此皆寒熱兼見之實據。醫者必辨症如是之嚴。而後用藥處方。不失銖黍。此等精細註腳。可謂不易多得者也。

痢之所以宜溫暖者。以生冷雖傷內部生陽之氣。而將值夏令。猶可借吸入之天陽。以調劑其陰。凝寒滯。迨至時遷勢移。向者溫暖之空氣。一變而為清涼之空氣。則吾人向日陰凝寒滯之臟腑。其氣血自不得不隨寒冷之凝結。一發而為痢下矣。吾人欲其痢止。則不得不從溫暖。此茯苓白朮苡仁陳皮木香甘草生薑大棗等味之在所必用也。痢之所以時痢宜瀉。久痢宜補。宜收澀者。此蓋謂寒熱既初傷其氣血。使氣血之原質變為赤白痢下。其勢方熾。不得不從事推蕩。俾已成之



痢盡行推下。減其積垢。即所以減其邪勢。減其邪勢。即所以止其痢候。此枳殼檳榔木香陳皮芒硝大黃之在所必用也。然此必須毫無外。而後可用。否則亦須加解外諸藥。若夫久痢不止。氣血下陷。則魂魄亦將隨之而脫。魂魄既脫。其死亡也可立而待。故治之之法。惟宜滋補。有熱者清燥救肺湯主之。有寒者八珍湯加升麻主之。仲景之桃花湯。梅丸。皆是澀以止脫之義。慎勿謂澀則邪氣固結於內。而不敢用。此之藥也。

痢之所以忌用芩連者。此蓋謂寒涼足以傷胃。胃傷則生化之源頓絕。然必有伏陰在內。寒邪凝滯之實據。方可忌用芩連。若火結腸胃。下迫至甚。腹痛如錐。則芩連硝黃。又為此症得力之猛將也。

去痢止。則惟有燥之一法。然濕有寒熱。而痢又宜以寒熱為轉移。此茯苓白朮車前苡仁澤瀉等類。有時與薑附同用。而有時又須與芩連同用者也。



痢之所以宜消導者。此蓋時痢宜瀉之義。以痢多食積。必須消其食積。而後可冀痢止。此枳殼厚樸大黃山查神麩麥芽萊菔子之在所以也。然容川解曰。痢症之裏急。為急欲下便。是肝木之疎泄。後重為欲便不得。是肺氣之斂。而於止奔迫。解鬱閉一方。而肝肺並治者。據用白頭翁湯加石膏知母杏仁桔梗枳殼檳榔柴胡麥芽當歸白芍等治之。則用小柴胡加當歸白芍杏仁枳殼檳榔麥芽花粉調和肝肺。則肝氣不迫注。肝氣得開利矣。又云。肝氣欲泄而下注。肺氣欲收而不開。故痢多發於秋。秋金肺氣閉而不開。肝氣決裂而不遏。是以迫痛。治宜甘桔湯加白芍。以桔梗開提肺氣。以白芍平治肝木。本此意以為加減。則鱉甲龍膽草青皮秦皮蘆薈皆平肝之藥。當歸生地桃仁五靈脂延胡索皆治肝經血分之藥。黃芩麥冬桑皮知母皆清肺之藥。枳殼貝母杏仁陳皮皆肺經調氣之藥。隨宜致用。變化在人。烏有不治之痢哉。容川此節證論。雖僅足為時痢之方針。而臨症擇而用之。亦無不效。若桴鼓者矣。

推拿扶微

痢症

十

黄土湯方

灶心土 二錢

甘草 一錢

白朮 一錢

熟地 一錢

黃芩

附子 五分

阿膠 一錢

仲景烏梅丸方

烏梅 一錢

細辛 六分

乾薑 五分

黃芩 一錢

黃連

歸一錢

附子 五分

川椒 一錢

桂枝 七分

路參 一錢

仲景生姜瀉心湯方

生姜 一錢

甘草 一錢

人參 一錢

乾姜 五分

黃芩 一錢

半

夏 六分

黃連 一錢

大棗 一枚

清燥救肺湯方

見前咳嗽方內

知柏地黃湯方

見前咳嗽方內

八珍湯方

當歸 一錢

白芍 一錢

熟地 一錢

川芎 五分

於朮 一錢

雲



苓一錢 路參一錢 甘草一錢

仲景桃花湯方

赤石脂一錢 乾薑五錢 梗米一錢

仲景白頭翁湯方

白頭翁一錢 黃連一錢 黃柏一錢 秦皮一錢

仲景小柴胡湯方 見前咳嗽方內

仲景甘桔湯方

甘草二錢 桔梗一錢

◎噤口痢

唐容川曰。噤口者。下痢不食。是大熱濁攻。胃氣被傷而不開。各書俱遵丹溪。用石蓮湯。金鑑謂內熱盛。上衝心。作嘔噤口者。用大黃黃連好酒煎服。以攻之。按腸胃所以能食者。以胃有津液。清和潤澤。是以思食。西洋醫雖滯於迹。亦間有可信處。言穀入於胃。即有胃津注之。將穀渾化如糜。常探胃津攪飯。頃刻亦化為糜。據此論說。則胃之思食。全是胃津使然。試觀犬



欲得肉則涎出於口。此液即欲食之本也。人之胃津其思食之情亦類乎此。今胃為邪熱濁氣所攻踞其清和之津盡化而為濁滯下注於大腸。則為痢。停聚胃中則拒不納食。丹溪石蓮湯雖知清火補胃然石蓮是蓮米有黑殼者。今醫用石蓮子不知何物斷不可用。即蓮米性亦帶澀痢症宜滑以去著澀乃所忌。且胃中濁滯非洗滌變化不為功。此方雖寒熱未定然未洗滌其滯變化其濁非起死回生之方也。清瘟敗毒飲竹葉石膏湯人參白虎湯麥冬養榮湯出入加減庶可以洗胃變津為開胃進食之良法。至嘔不思食金鑑用二黃好酒取其峻快以攻逆。然治逆洵為得法而不知化生胃津終未得進食之本也。吾意以為宜用大柴胡湯加石膏花粉人參則攻逆生津開胃進食兩面俱到。治噤口者從無此論。吾今悟出切實之理為斯人大聲疾呼。海始欲以文章報國今已自分不能庶幾發明此道稍有補於斯民歟。

又補論曰。凡噤口痢上噤下痢法宜和中。此與霍亂對看自明。霍亂上吐下瀉必以和中而愈。則知噤口痢上噤下痢亦必以和中而愈。第霍亂是

中寒而發。為上下俱脫之症。法主理中湯以溫之。噤口痢上噤下瀉。其為中熱可知。熱結於中。上下不開。和中之法。宜反理中湯諸藥。以寒涼藥。生薑瀉心湯。去乾薑為宜。人參白虎湯亦佳。

石蓮湯方

人潞一錢 黃芩一錢 黃連一錢 石蓮一錢即蓮未有黑殼者

竹葉石膏湯

淡竹葉一錢 石膏一錢 人參一錢 甘草一錢 寸冬一錢

半夏七分 生薑一錢 粳米一錢

徐蔚生曰。生薑半夏俱辛燥。於是症宜酌用。即有石膏寸冬之寒。亦恐其消耗津液。因此症原係一種熱症也。

清溫敗毒散

石膏一錢 知母一錢 生地一錢 犀角五分 黃連一錢 枝

子一錢 桔梗一錢 黃芩一錢 赤芍一錢 玄參一錢 連翹

一錢 丹皮一錢 甘草一錢 竹葉一錢



大柴胡湯

柴胡一錢

黃芩一錢

人參一錢

半夏七分

大黃一錢

實七分

生薑一錢

大棗一枚

人參白虎湯

見前瘧病方內

麥冬養榮湯

人參一錢

知母一錢

寸冬一錢

甘草一錢

五味

歸一錢

白芍一錢

生地一錢

陳皮六分

黃芪一錢

◎瘧疾

周夢覺曰。儒者讀書十年。窮理十年。自謂於醫已通三昧。及其視病。兩相齟齬。不歸責藥肆之假。便諉咎染病之真。與之強辯無庸也。請試之治瘧。夫瘧病之淺而顯者也。最易足以驗醫之得失。世之用切藥而微律以成功者。不在此論。如果堂堂之陣。正正之師。而百戰百勝焉。庶可懸壺都市。負籠鄉邦。猶是投之罔效。屢易其方。古籍批糠。空披萬卷。寒窗燈案。辜負十年。經曰。邪氣客於風府。循膂而下。其氣上行。九日出於缺盆。余讀經文。

